

FUNDARGERÐ STJÓRNAR BYGGÐASAFNS ÁRNESINGA



**BYGGÐASAFN
ÁRNESINGA**

17. fundur stjórnar Byggðasafns Árnesinga var haldinn þriðjudaginn 24. júní 2025 kl. 15 í Búðarstíg 22 á Eyrarbakka. Fundinn sátu Sandra Sigurðardóttir formaður, Þórhildur Dröfn Ingvadóttir varaformaður og Árni Eiríksson ritari. Fundinn sat einnig Lýður Pálsson safnstjóri sem skrifaði fundargerð. Einnig sat Linda Ásdísardóttir fundinn undir 1. Lið. Þetta var tekið fyrir:

1. **Starfsemi safnsins.** Síðustu mánuðir hafa verið annasamir hjá safninu. Í vetur vann Linda Ásdísardóttir að myndsetningu safnmuna Byggðasafns Ölfuss. Um páskana var haldin sýning í samvinnu við Fjölbrautaskóla Suðurland á áróðursspöldum nemenda í grafískri hönnun. Stóð sýningin í borðstofu Hússins fram í maí. Í aprílbyrjun hófst vinna við heimildaöflun og gerð sýningarinnar „Yfir beljandi fljót“ sem fjallar um samgöngur í Árnessýslu fyrir gerð brúa og vega. Áður voru það ferjur og vöð um árnar og reiðslóðar milli staða. Allar leiðir lágu í Skálholt, Þingvelli og verslunarstaðinn Eyrarbakka. Sýningin var opnuð 20. júní og er fróðleg og vel hönnuð. Safnið var þátttakandi í Vor í Árborg og á Jónsmessuhátíðinni á Eyrarbakka sl. helgi. Við það tækifæri var Gistihúsbíllinn ÁR-67, Ford B gerð af vörubíl, ágerð 1930 afhentur safninu til varðveislu. Mikill tími hefur verið varið til gerðar kynningarefnis á samfélagsmiðla. Ragnhildur Elísabet Sigfúsdóttir hefur skipulagt fræðslustarfsemina og nokkrir skólar nýttu sér það að koma með 4. bekk í heimsókn nú í vor. Sylvía Kristjánsdóttir nýr starfsmaður og grafískur hönnuður hefur hannað allt sem hanna hefur þurft varðandi kynningarefni og sýningarspöld. Lýður Pálsson safnstjóri hefur sinnt stjórnarsýslu safnsins, lagt fram áherslur safnsins varðandi nýja stofnskrá safnsins, skipulagt sumarstarfsemina, verið öðrum starfsmönnum til liðsinnis og skipulagt Farskóla safnamanna sem haldinn verður á Selfossi í október.
2. **Fjárhagsleg staða safnsins.** Lagðar voru fram yfirlit um rekstur safnsins eftir hvern mánuð frá síðasta stjórnarfund. Safnstjóri svaraði fyrirspurnum stjórnar. Reksturinn er í góðu jafnvægi.
3. **Bréf frá Grímsnes- og Grafningshreppi.** Sveitarfélagið segir upp samningi um bókhald, launaútkerfslu, reikningagerðar og skyldrar þjónustu frá 1. júlí með þriggja mánaða uppsagnarfresti. Tilgreinda ástæður eru breytingar á skrifstofuhaldi hreppsins. Stjórn Byggðasafns Árnesinga leggur til við framkvæmdastjórn Héraðsnefndar að hún leiti tilboða fyrir þær stofnanir sem nutu bókhaldsþjónustu Grímsnes- og Grafningshrepps.
4. **Eyri.** Lögð voru fram drög að samningi um Eyri. Safnstjóra falið að lagfæra samninginn í takt við umræðu á fundinum.
5. **Ný drög að samþykktum fyrir Byggðasafn Árnesinga.** Stjórn ræddi drög að samþykkt og fól safnstjóra að senda lögfræðingi héraðsnefndar 10. grein í núverandi samþykktum Byggðasafns Árnesinga með ósk um að hún fari inn í nýjar samþykktir þar sem kemur fram að safninu sé heimilt að eiga hlut í og taka að sér rekstur annarra safna sé fjárhagslegur grundvöllur sé tryggður.
6. **Áætlanir fyrir 2026.** Stefnt að því að halda næsta fund í mánudaginn 8. september kl. 17 og ræða þá drög að starfsáætlun og rekstraráætlun fyrir næsta ár.

Fleira ekki tekið fyrir. Fundargerðin var lesin upp og samþykkt. Fundi slitið kl. 16,15.

Sandra Sigurðard.
Þórhildur Ingvadóttir
Árni Eiríksson